

UUT ET STELLINGWARFS

WOORDEBOEK

As et in de haast koolder wodt, gaon de koenen weer op 'e stal. Ze vienen et vanzels zommers heerlijk om buten te wezen. Mar as ze nog buten binnen en et regent en wi'jt hadde, dan verlangen ze best naor een waarm plakken. Kiek mar es as et zo'k weer is, dan staon ze stief tegen mekeer an, mit de roggan naor de wiend en de regen toe. Jim snappen et al, we hebben et dit keer over de koe. Niet over et beest zels, want dat kennen jim netuurlik allegere wel. Mar d'r bin mit et woord *koe* een hieleboel mooie uitdrukkings en die laoten we jim hier graeg zien! Daor gaon we:

Aj' over koegies en kalvies praoten praot ie over onbelangrieke dingen.

Aachter de koenen gaon wil zeggen daj' in de bedstee op de koestal slaopen gaon. In oolde boerderi'jen was dat zo, moej' weten!

Zo dom as et achteraeende van een koe, dan bi'j' hatstikke stom!

Dat is' toch zoe'n koe, zoeniene is een sufferd, vanzels.

MIT KOENEN VAN LETTERS SCHRIEVEN, dan schrief ie wel mit hiele grote letters...

Van achteren kiek ie een koe in et gat betekent dat et wel hiel makkelijk is om achterof argens kommentaor op te geven.

Ie kun nooit weten hoe een koe een haeze vangt wil zeggen daj' nooit weten hoe as et gaon kan.

De koegies op et dreuge hebben hooft in daj' wel flink wat geld hebben.

Iene die een protte alcohol drinkt zopt as een koe.

Ie moe'n gien oolde koenen uut de sloot haelen zeggen een boel meensken as iene mar de hiel tied weer over een gebeurtenis praot die al hiel lange leden gebeurd is.

De koe bi'j de horens pakken zeggen ze wel aj' de boel een perbleem mitien goed anpakken willen.

D'r is gien koe overstuur hooft in daj' je niet ongerust maeken moeten, d'r is aenlik niks an de haand.

D'r is gien koe zo bont of d'r zit wel een vlekken an: an iederiene mekeert wel wat!

Een grienende koe krigt nog wel es wat betekent dat iene die flink lange argens om zeurt nog wel es wat krigt ok...

As d'r wat hielemaole op is, bi'jglieks de koeke of de snoepies, dan zeden ze wel es: *'t huj op en de koe dood.*

Laeste koe de hekke toe zej' tegen diegene die et laeste deur een hekke, of deur de deure komt. Die persoon moet et hekke of de deure dichte doen. Dus, aj' now thuus mitmaeken dat iene altied de deur eupen staon lat, dan kuj' dat in et vervolg zeggen!

